



**Broj predmeta:** 02-000049/20  
**Broj akta:** 01.1-1149AD-437/20  
**Datum,** 3. 12. 2020. godine  
**Mjesto,** Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 3. 12. 2020. godine i z d a j e

## **N A R E D B U**

### **Član 1.**

- (1) Zabranjuje se kretanje osobama na području Brčko distrikta Bosne i Hercegovine u vremenskom periodu od 22.00 do 5.00 sati, počevši od 7. 12. 2020. godine.
- (2) Od stava (1) ovog člana izuzimaju se svi zaposleni koji vrše službene dužnosti ili su uključeni u provođenje mjera i aktivnosti u vezi s proglašenjem stanja prirodne nesreće zbog korona virusa, kao i zaposleni u pravnim licima u kojima se radi kontinuiteta proizvodnje rad odvija u smjenama.
- (3) Za provođenje ove naredbe zadužuje se PolICIJA Brčko distrikta Bosne i Hercegovine.
- (4) Prema osobama koje se ponašaju suprotno od člana 1. stava (1) ove naredbe PolICIJA Brčko distrikta Bosne i Hercegovine postupa u skladu sa Zakonom o javnom redu i miru Brčko distrikta BiH.

### **Član 2.**

- (1) Dana, 7. 12. 2020. godine počinje nastava u svim osnovnim i srednjim školama na području Brčko distrikta BiH.
- (2) Zaduje se Odjeljenje za obrazovanje da organizuje nastavu u srednjim školama na području Brčko distrikta BiH na način da se ista redukuje u smjenama na sedmičnom nivou, koje bi pohađalo 50% učenika jednog odjeljenja.

### Član 3.

- (1) Zadužuje se Odjeljenje za obrazovanje da informiše odgovorne osobe i javnost o donesenim mjerama.
- (2) Zadužuje se Ured gradonačelnika – Inspektorat da vrši pojačanu kontrolu poštovanja epidemioloških mjera i Protokola i uslova za početak odvijanja nastave u školskoj 2020/2021. godini u osnovnim i srednjim školama Brčko distrikta Bosne i Hercegovine, broj premeta: 02-000049/20, broj akta: 01.1-1141SM-363/20 od 28. 8. 2020. godine.

### Član 4.

- (1) Odobrava se od dana 7. 12. 2020. godine obavljanje ugostiteljske djelatnosti na području Brčko distrikta BiH do 19.00 sati.
- (2) Zadužuje se Ured gradonačelnika – Inspektorat da vrši pojačanu kontrolu poštovanja mjera i naredbi Štaba za zaštitu i spašavanje Brčko distrikta Bosne i Hercegovine u ugostiteljskim objektima, a sve s ciljem sprečavanja širenja zaraze korona virusa – COVID-19.

### Član 5.

Odobrava se od dana 7. 12. 2020. godine obavljanje sljedećih djelatnosti na području Brčko distrikta BiH do 19.00 sati:

- a) rad sportskih kladionica, kockarnica i drugih priređivanja igara na sreću,
- b) teretana, fitness centara, škole sporta, rekreativne aktivnosti koje se obavljaju u zatvorenom prostoru.

### Član 6.

Odobrava se od dana 7. 12. 2020. godine rad javnog linijskog prevoza putnika u prigradsko-gradskom saobraćaju.

### Član 7.

Ova naredba stupa na snagu danom donošenja, a primjenjivat će se od 7. 12. 2020. godine, i objavit će se u „Službenom glasniku Brčko distrikta BiH“.

#### **DOSTAVITI:**

1. Uredu gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Odjeljenju za obrazovanje
5. Svim odjeljenjima Vlade (12x),
6. Kriznom štabu u zdravstvu Brčko distrikta BiH,
7. Uredu gradonačelnika / Inspektorat,
8. Sekretarijatu Vlade (3x),
9. Policiji Brčko distrikta BiH,
10. Članovima Štaba (34x),
11. Institucijama Brčko distrikta BiH (8x),
12. Javnim preduzećima, fondovima i Zavodu (7x),
13. „Službenom glasniku Brčko distrikta BiH“,
14. Arhivi.

**GRADONAČELNIK**

Mr. sc. Siniša Milić